

Perorsaanermik Ilinniarfik Socialpædagogisk Seminarium



PI/SPS

ILINNIARNERUP AAQISSUGAANERA

Siunnersuinermi Ikiortitut Ilinniagaq

Aprili 2020

Imarisai

Rektorip siulequtitut oqaaseqaatai	2
Aallaqqaasiut.....	3
Siunnersuinermi Ikiortitut Ilinniakkamut aalajangersakkat akuerisat:	3
Atortuulersitsineq	4
Ilinniakkap siunertaa anguniagaalu	4
Ilinniarnep moduliini ataasiakkaani sammisani anguniakkat.....	5
Modul 1: Siunnersuinermi ikiortaaneq aamma innuttaasoq – atuuffiit inunnullu attuumassuteqarnerit	5
Modul 2: Inatsisit isumaginninnermut tunngasut inatsisillu toqqakkat.....	5
Modul 3A & 4A: Inersimasunut tunngasunut suliassaqarfimmut immikkut piginnaangorsarneq	6
Modul 3B & 4B: Meeqqanut ilaqutariinnullu tunngasunut suliassaqarfimmut immikkut piginnaangorsarneq	6
Ilinniakkap toqqammavii malitassiatullu atugassiai	6
Ilinniakkamut isernissamut piumasagaatit	7
Piffissamik atuineq	8
Ilinniakkap ingerlanerata assiliartalerlugu takutinnera	9
Ilinniakkami kalaallit tungaanniit sammiviliineq.....	9
Ilinniakkap ineriartornera, ataqatigiinnera atajuarneralu	9
Ilinniartitsinermi toqqammaviit najoqqutassallu	9
Soraarummeerneq misilitsinnerillu	10
Modulini misilitsinnerit	10
Soraarummeerneq	11
Misilitseqqinneq napparsimanerullu kingorna soraarummeerneq.....	11
Naammagittaalliornerit.....	11
Ilinniarnep nalaani siunnersortinneq	12
Ilinniartunik siunnersuineq	12
Suliatigut siunnersortinneq.....	12
Peqataanissamut pisussaataaffik	12
Ilinniakkamik aallussineq	12
Amigartumik peqataaneq	13
Immikkut akuerineqarnissamut aalajangersakkat.....	13

Rektorip siulequtitut oqaaseqaatai

Perorsaanermik Ilinniarmimmi / Socialpædagogisk Seminariumimi (PI/SPS) Siunnersuinermi Ikiortitut Ilinniakkap aqqissugaanera ilinniakkap uuma aqqissuunneranut imarisaanullu toqqammaviuvoq.

Siunnersuinermi Ikiortitut Ilinniagaq ingerlatsinermi oqartussani sulisunooreertuuvoq, sulisunullu ilinniagaqarsimanngitsunut isumaginninnerup iluani tunngaviusunik ilisimasaqalernissaannut aamma innuttaasut pisortani ingerlatsisunut saaffiginninnerannut tunngasuni piginnaasaqalernissaannik periarfissiivoq. Aammattaaq Siunnersuinermi Ikiortitut piginnaasaqalernissartik angussavaat, soorlu allamik naapertuuttumik tapertaasumik ilinniagaqarnissamut sulinermilu misilittagaqarsimatillutik Isumaginninnerup iluani Siunnersortitut Sullissisutut Ilinniagartuutut Ilinniakkamut isersinnaalernissamut.

Siunnersuinermi Ikiortitut Ilinniagaq inuussutissarsiornerup iluani ilinniagaavoq, suliassaqarfimmi sulinertigut misilittagareriikkaniit aallaaveqartoq taakkuninngalu ilinniartoq atuagarsornermut ilinniakkallu aqqissugaaneranut naleqqiullugu tapiissuteqassaaq. Taamaasilluni ilinniarneg nikerarfiusuuvoq, piffissap ilaa suliffimmi ilaalu ilinniarmimmi modulini ilinniartinneqarnermut atorpeqassaaq.

Ilinniartut suliffimmiit misilittagaasa piginnaasaallu ilanngunneqarnissaat pingaartinneqarpoq, ilaatigut pisortani ingerlatsivinni atorfeqarnerannut atatillugu. Moduliit tamassuminnga atuagarsornikkut ilinniartunillu sungiusaanikkut ingerlariartitseqqiipput, taamaammat ilinniartut moduliit akornanni atuagarsussallutillu suliakkiissutaasimasunik tunniussaqaartarnissartik naatsorsuutigissavaat. Ilinniakkap naammassinerani piginnaasassatut piumasaaqatigineqartut piviusunngortikkumallugit ilinniartup tunuliaqutaa ilinniartitsinermi tunngavigineqarpoq.

Ilinniarnep aqqissugaanera ullormi 12. marts 2020 PI/SPS-imi siulersuisunit akuerineqarpoq.

Nuka Kleemann
Rektori

Aallaqqaasiut

Perorsaanermi Ilinniartitsinerit / Socialpædagogisk Seminariumimi (PI/SPS) Siunnersuinermit Ikiortitut Ilinniakkamut ilinniakkap aqqissugaanera una allakkiaavoq inatsisit, peqqussutit, nalunaarutit aalajangersakkallu allat atuuttut toqqammavigalugit ilinniakkami maleruagassanut aalajangiisuusoq.

PI/SPS-imi siunnersuinermit ikiortitut ilinniakkap aqqissugaanera suliaasaqarfimmut ilinniartitaanermullu tunngasunik aalajangersakkanik imaqarpoq. Aammattaaq ilinniartitaanerup sannaata, ilinniartitsissutini modulini siunertarineqartut kiisalu ilinniartitaanerup ineriartortinneqarnerata nassuiaataannik imaqarpoq.

Siunnersuinermit Ikiortitut Ilinniagaq immikkut piginnaangorsaaffinnik marlunnik sammivilerlugu avinneqarpoq, tamarmik immikkut sisamanik moduleqartunik. Modulini siullerni marlunni ilinniartut ilinniartitaanermi peqataassapput. Taassuma kingorna sammiviit marluk akornanni toqqaasoqassaaq, holdillu taaguuteqarput Hold A (inersimasunut tunngasunik suliaasaqarfik) aamma Hold B (meeqqanut ilaqutariinnillu tunngasunik suliaasaqarfik). Sammivik siulleg isumaginninnerup iluani inersimasunut tunngasuteqartunik suliaqarnermik imaqarpoq. Sammiviup aappaa isumaginninnerup iluani meeqqanik, inuusuttunik ilaqutariinnillu sullissinnermut tunngasunik imaqarpoq.

Ilinniartitaanerup aqqissugaanera ilinniartitaanerup pillugu quppersakkamik tapertaqarpoq sukumiinerusumik ilinniagaq pillugu allaatiginnittumik, tamatumunnga ilanngullugit ilinniakkap moduliisa imarisai. Ilinniartitaanerup pillugu quppersakkami aamma PI/SPS-imi ilinniartut avatangiisii sammisarisartagaalu assigiinngitsut, siunnersuisoqatigiit ataatsimiititalu, kiisalu ilinniartitaanerup aamma PI/SPS pillugit paasissutissanik imaqarpoq.

Siunnersuinermit Ikiortitut Ilinniakkamut aalajangersakkat akuerisat:

- Inuusutissarsiuutinik ilinniartitsinerit aamma inuusutissarsiuutinik ilinniartitsinerup iluani pikkorissaanerit pillugit inatsisartut inatsisaat nr. 10, 19. maj 2010-meersoq
- Kalaallit karakterileriaasiat (Greenlandic Grading System (GGs-skala))
- Inuusutissarsiuutinik ilinniartitaanerup soraarummeertarnerit pillugit Namminersorlutik Oqartussat nalunaarutaat nr. 4, 18. marts 2015-imeersoq
- Karakteriliisarnermit tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-meersoq

Siunnersuinermit Ikiortitut Ilinniagaq inuusutissarsiornerup iluani ilinniagaavoq inuusutissarsiuutinik ilinniartitsinerit aamma inuusutissarsiuutinik ilinniartitsinerup iluani pikkorissaanerit pillugit inatsisartut inatsisaat nr. 10, 19. maj 2010-meersup ataniittoq. Tak. § 5 Naalakkarsuisut inuusutissarsiornerup iluani ilinniakkat nutaat pilersinnissaat akuerissavaat.

Naalakkarsuisut akuersineratigut Siunnersuinermit Ikiortitut Ilinniagaq 2020-mi Ilisimatusarfimmiit PI/SPS-imut nuunneqarpoq.

Perorsaanermi Ilinniartitsinerit Siunnersuinermit Ikiortitut Ilinniakkamik angusineq Siunnersuinermit Ikiortitut taaguuteqartitsilissaaq.

Atortuulersitsineq

PI/SPS-imi Siunnersuinermi Ikiortitut Ilinniakkap aaqqissugaanera una 1. august 2020-miit atuutilersinneqassaaq ilinniakkallu siuliata, Ilisimatusarfimmi Siunnersuinermi Ikiortitut Ilinniakkamut pilersaarutaa 2019/20 taarsissallugu.

Ilinniakkap siunertaa anguniagaalu

Siunnersuinermi Ikiortitut Ilinniakkami siunertarineqartoq tassaavoq ilinniartup suliassaqrifiup iluani ilisimasaata piginnaasaatalu annertusarneqarnissai, kiisalu ilinniakkami suliqaqfinni aalajangersimasuni atuagarsornikkut sukumiisumik ilisimasaqalerlunilu periutsinik piginnaasaqalernissaa.

Ilinniakkap pingaarnertut anguniagai marlunnik sammiveqarput. Siullertut ilinniakkami anguniarneqarpoq ilinniartup siunnersuinikkut sullissinermini piukkunnaatilittut piginnaasaqalernissaa. Aappaattut ilinniakkami anguniarneqarpoq ilinniartup ingerlaqqittumik/ilinniaqqissinnaananeranut sakkussalersorneqarnissaa.

Siunnersuinermi Ikiortitut ilinniakkamik naammassinikoq tamakkiisumik isiginnilluni piginnaasalittullu suliamik suliqaqarsinnaanissaminut inatsisinik naapertuuttunik tunngavittut ilisimasaqarpoq. Taamatuttaaq ilinniarsimanermigut isumaginninnerup iluani teoriinik aalajangersimasunillu suleriaatsinik tunngavittut ilisimasaqarpoq, piukkunnaatilittut tamanullu atuuttumik siunnersuisinnaavoq, soorlu naatsortuutigineqartoq siunnersuinermi ikiorti namminersorluni imaluunniit assersuutigalugu isumaginninnikkut siunnersuisoq suleqatigalugu sullississasoq.

Ilinniarnepup ingerlanerani inuttut piginnaasanik attaveqatigiinnermilu atortussanik ineriartortitsinerup peqataasut innuttaasunut tunngassuteqartunik sulinermini piginnaasaqartitsinerulissaaq. Ilinniartoq immineq inuttut sulisutullu atuuffiata ataqatigiinnerat pillugu paasisimasaqarnerulissaaq kiisalu oqartussatut sulinermut atatillugu periarfissat unammillernartullu pillugit paasisimasaqalissalluni.

Siunnersuinermi Ikiortitut Ilinniakkami anguniarneqarpoq siunnersuinermi ikiorti misissueriaatsikkut, periutsikkut teoriikkullu piginnaasaqalernissaa tassani ilinniakkami suliqaqfiit aalajangersimasut kiisalu ilinniartup inuttut, allanut attuumassuteqarnikkut suleqatigeeriaatsigullu piginnaasaata nukittorsarneqarnissai ukkatarineqarlutik.

Siunnersuinermi ikiortitut ilinniakkamik naammassinissimasup piginnaasatigut ilisarnaatai

Siunnersuinermi ikiortip suliassaqrifiit tassaapput innuttaasunik isumaginninnikkut aarlerinartorsiortunik siammasissumik sullissineq aamma ilaatigut inersimasunik, inunnik innarluutilinnik, inuusuttunik, utoqqarnik kiisalu ilaqutariinnik meeqqanillu siunnersuinermik imaqarluni. Ilinniarnepup immikkut piginnaanngorsaaffigisassaq toqqarneqassaaq, inersimasunut imaluunniit meeqqanut – aamma ilaqutariinnut tunngasunut suliassaqarfiusinnaavoq.

Ilinniakkami anguniarneqarpoq siunnersuinermi ikiortitut ilinniakkamik naammassisup ilinniakkami ilikkagassatut anguniakkat uku angusimassagai:

- Isumaginninnerup iluani suliaqarfimmut tunngasunut aamma taaguutit ilikkakkani ilaatigut namminneq sulinermini ineriartortitsinissaminut kiisalu sulisut allat ikiornissaannut aamma isumaginninnermi ingerlatsivinni siunnersuinermi sulinerup ineriartortinnissaanut atorsinnaalernissai.
- inatsisit pillugit ilikkakkani suliassaqarfinni aalajangersimasuni inooqataaniarnikkut ajornartorsiutinut atatillugu atorsinnaalissagai
- aalajangersimasumik periuseqarluni sulianik suliaqarsinnaaneq aamma inooqataaniarnikkut ajornartorsiutinut tunngasunut atatillugu namminersorluni suliaqaqatigiillu allat peqatigalugit nassuiaasinnaangornissaminut, naliliisinnaangornissaminut iliuuseqarsinnaangornissaminullu piginnaasaqaleriartornisaa,
- innuttaasunik ataatsimeeqateqarnermi attaveqatigiinnermut ilisimasani atorsinnaalernissai kiisalu immineq piginnaasat, ileqqorissaarnerup naleqartitallu kiisalu isumaginninnermi sullissisutut atuuffiup imminnut ataqatigiinneri paasisimasaqarfiginerulernissai.

Ilinniartoq modulini ilinniarnermigut siunnersuinermi ikiortitut sulinissamut piumasaaqatit atugassarititaasullu paasinissaannut nalilersornissaanullu piginnaasaqalissaaq. Ilinniarneg ilinniartup siunnersuinermi ikiortitut sulinermini misissuisinnaanissaanut periarfissanillu naliliisinnaanissaanut aamma killiliisinnaanissaanut aamma sullissinermini nammineq suliniuteqarsinnaanissaanut tamassumunngalu ingerlateqqiisinnaanissaanut nalilersuisinnaanissaanullu tapersiissaaq.

Ilinniarnep moduliini ataasiakkaani sammisani anguniakkat

Modul 1: Siunnersuinermi ikiortaaneq aamma innuttaasooq – atuuffiit inunnullu attuumassuteqarnerit

Inuiaqatigiinni kalaaliusuni oqaluttuarisaaneratalu tungaaniit sammivilerlugu isumaginninnerup iluani sulinermut atuuffeqarnermullu tunngasunik paasisimasaqarluni isummersornera aallaavigalugu Siunnersuinermi Ikiortip sulinermini eqqarsaatini pillugit ilisimmaarittuunissaa modulimi pingaarutilittut qitiutinneqarpoq. Isumaginninnerup iluani sulinermut aamma innuttaasunik sullissinermut ilinniartoq taaguutinik periutsinillu tunngaviusunik ilisimasaqalissaaq. Ilinniartup nammineq inunnullu isiginnittaasini siunnersuinermilu ikiortitut atuuffini eqqarsaatigeqqissaarnissaanut aamma innuttaasumut atatillugu ileqqorissaarnissamut sulisutullu

ilisimasalittut akisussaaffini aamma isumaginninnermi sulianut susassaqaqatigiittut sammisaqarfinni assigiinngikkaluani suleqatigiinnerisa pillugit paasisimasaqalerfiginissaannut moduli tapersiissaaq. Ilinniartoq aamma inatsisit toqqammavigineqartut pillugit ilisimasaqalissaaq.

Modul 2: Inatsisit isumaginninnermut tunngasut inatsisillu toqqakkat

Isumaginninnermi ingerlatsinermi oqartussanut attaveqarniarnermut aamma innuttaasut aarlerinartorsiortut nappaateqarnermikkut innarluuteqarnermikkulluunniit immikkut ingerlaavartumik utaqqiisaasumilluunniit ajornartorsiutaannut aalajangersimasunut inuunerminnilu atungaanut tunngatillugit innuttaasut ataasiakkaat tunuliaqutaasa assigiinngiiaarnerinik ilinniartoq tunngaviusunik ilisimasaqalerlunilu paasisimasaqalissaaq. Ilinniartup ukua pillugit ilisimasaqalernissaanut moduli tapersiissaaq: meeqqat inuusuttullu pillugit inatsit innarluutilillillu pillugit peqqussut qitiutillugit isumaginninnerup pillugu inatsiseqartitsinermi malittarisassat – tamatumunnga ilanngullugu pisinnaatitaaffiit, tak. Naalagaaffiit Peqatigiit

meeqqat pillugit isumaqatigiissutaa aamma innarluutillit pisinnaatitaaffii. Innuttaasut pisariaqartitaat assigiinngitsut immikkoortissinnaalernissaanut ikiorserneqarnissaannullu periarfissaat pillugit ilinniartuq piginnaasaqalissaaq. Aammattaaq isumaginninnerup iluani sulinermi aningaasaqarneq missingersuusionerlu ilinniartup paasisaqarfignissavai.

Modul 3A & 4A: Inersimasunut tunngasunut suliassaqarfimmut immikkut piginnaanngorsarneq

Inersimasunut tunngasunut suliassaqarfimmi siunnersuinermit atatillugu ilinniartup atuagarsornikkut ilisimasaqarfigneriigassamigut sulinerminiillu misilittakkaminiit atortussaqaalernissaa modulit qularnaassavaat.

Ilinniartuq suliffeqarfefarfinni pissutsinut aamma assersuutigalugu piginnaanngorsagaqqinnermut, siusinaartumik soraarnerussutisiaqaalernermit utoqqalinersiaqarnermullu, inersimasut innarluutilinnut, sulisinnaassutsip nalilerneranut atatillugu pisortanit ikiorserneqarnissamut peqqussutinut atatillugu siunnersuinnikkut ikiuisinnaanissaminut ilisimasaqalerlunilu piginnaasaqalissaaq. Aammattaaq pitsaaliuinermit suliniuteqarnissamut inersimasunillu mianernartunik atugalinnut sullissinissaminut periutsit pillugit suleqateqarnissaminut ilisimasaqalerlunilu piginnaasaqalissaaq.

Modul 3B & 4B: Meeqqanut ilaqtariinnullu tunngasunut suliassaqarfimmut immikkut piginnaanngorsarneq

Meeqqanut ilaqtariinnullu tunngasunut suliassaqarfimmi siunnersuinermit atatillugu ilinniartup atuagarsornikkut ilisimasaqarfigneriigassamigut sulinerminiillu misilittakkaminiit atortussaqaalernissaa modulit qularnaassavaat.

Siusissukkut, tamakkiisumik isiginnittumik aamma sullissiviit akornanni suleqatigiinnikkut angajoqqaallu suleqatigalugit suliniuteqarnermit atatillugu siunnersuinermit ilinniartuq ikiuunnissaminut ilisimasaqalerlunilu piginnaasaqalissaaq. Assersuutigalugu siunersioqatigiinnermit, sumiginnaaneq, iliuuserisassatut pilersaarutit kiisalu meeqqanik inuusuttunillu angerlarsimaffiup avataanut inissiisarnertit pillugit ilisimasaqalernerneq. Ilaquttat assigiinngiiaarnerinik, aamma meeqqat inersimasullu atugarissaarnissaasa pingaaruteqassusaa pillugit paasisaqarfignallu paasisimasaqalissaaq. Aammattaaq pitsaaliuinermit suliniuteqarnerit pillugit suleqateqarnissaminut aamma meeqqanik ilaqtariinnullu immikkut aarlerinartorsiortunut periutsit pillugit ilisimasaqalerlunilu piginnaasaqalissaaq.

Ilinniakkap toqqammavii malitassiatullu atugassiai

Siunnersuinermit Ikiortitut Ilinniagaq ukuimik ataatsimik sivissuseqarpoq piffissallu ilaannaa atorlugu ilinniarfissatut aqqissuussaalluni sulinerup modulini ilinniartitaanerup akornanni nikerartuusooq.

Inunnik isumaginninnermik suliaqarnerup iluani aamma ingerlatsinermit oqartussat isumaginninnikkut suliassaqarfignat tamakkerlugit ilinniagaq sammiveqarpoq.

Ilinniagaq ilinniartup inuttut ineriartornissaanut tapersiissaaq, tamassumunnga ilanngullugu ilinniartup inuiaqatigiinni kalaaliusunut soqutiginninneranut eqeersimaarlunilu peqataaneranut, ilinniartullu ilinniaqqinnissaanut tunngaviussalluni.

Ilinniarneq aamma kalaallit inuiaqatigiinnut kulturiannullu sammiveqarluni Siunnersuinermi lkiortip sulineranut immikkut tapersiissaaq. Tamanna nunatsinni pisut ersarissut attuumassutillit modulini, ilinniartitsissutini ilinniarnermilu sulianut tunngaqqissaartuni sammineqarneratigut anguniarneqassaaq, kiisalu modulini misilitsinnerni soraarummeernermilu sulineq pillugu isummersornissamut ataqatigiitsitsissalluni.

Ilinniakkamut isernissamut piumasaqaatit

Ilinniagaq isumaginninnerup iluani sulisunoortuuvoq isumaginninnermut tunngasumik ilinniagaqarsimanngitsunut kiisalu ulluinnarni suliffimmini isumaginninnerup iluani ajornartorsiutinik sulianillu suliaqartartunoorluni.

Siunnersuinermi lkiortit Ilinniakkamut akuerisaanissamut piumasaqaataavoq qinnuteqartoq

- 10. klassimi allattariarsornermi inaarutaasumik misilitsissimanissaa minnerpaamik kalaallit oqaasiini 4 minnerpaamillu danskit oqaasiini 02 karaktereralugit, imaluunniit
- sunngiffimmi atuartitaanermi misilitsissimanissaa minnerpaamik kalaallit oqaasiini 4 minnerpaamillu danskit oqaasiini 02 karaktereralugit.

Aammattaq piumasaqaataavoq qinnuteqartup

- siunnersuinerup iluani minnerpaamik ukiumik ataatsimik sivisussusilimmik uppersaatitalimmillu sulisimanissaa, aamma
- meeqqat inuusuttullu, imaluunniit innarluutillit inersimasunilluunniit utoqqarnillu aarlerinartorsiortunut suliassaqarfimmi oqartussaasutut sulianik suliaqartut uppersaatitalimmik aalajangersimasumik atorfeqarnera
- suliffini peqatigalugu ilinniarnissaminut pilersaarusiorsimanissaa inersimasunut tunngasunut suliassaqarfimmut imaluunniit meeqqanut inuusuttunullu tunngasunut suliassaqarfimmut immikkut piginnaangorsarnissamut kissaateqarnermik imaqartunik

Ilinniagarisimasanut kiisalu sulinermi misilittakkanut uppersaatit attuumassuteqartut ilinniarnissamut kissaateqarnerup allanneratigut piumassuseqarluni qinnuteqaammut ilaliunneqassapput.

Ilinnialertussanik toqqaanermi qinnuteqartut ilinniarnissamut kissaateqarnerup allanneratigut piumassuseqarluni qinnuteqaataat, ilinniagarisimasaat suliffinnilu misilittagaat ataatsimoortillugit nalilersorneqarnerat tunngavigineqassapput. Ilinniakkamut inaarutaasumik akuerineqannginnermi ilinniarnissamut pilersaaruttip assiliner PI/SPS-ip pissarsiareqqaassavaa¹, ilinniartup suliffiatu suleqatigiillutik pilersaarusiarsimasaat. Ilinniartunut inissanit amerlanernik qinnuteqartoqarpit piukkunnaatillit ilinniarnepup aallartinnissaanut neqeroorfigineqassapput.

Ilinnialernissamut akuerisaanermi ilinniartup nipangiussisusaatitaanermut akuersissut atsiussavaa, tamanna inimi ilinniartitsivimmi ilinniartut ilinniartitsisullu akornanni tatigeqatigiinnermut tunngavigineqassaaq.

¹ Ilinniarnissamut pilersaarusiornissamut najoqqutassiaq PI/SPS-imi piniarneqarsinnaavoq

Siunnersuinermi Ikiortitit ilinnialernissaminut akuerisaasut tamarmik Meeqqanik
pinerliisimanginnermut Pineqaatissinneqarsimanginnermullu uppernarsaataat
pissarsiarineqassapput.

- Ilinnialertussap pineqaatissinneqarsimanginnerminut uppernarsaatini pissarsiarissavaa PI/SPS-imullu nassiullugu.
- Ilinnialertussap immersugassaq ilaareersoq immersorsinnarlugu PI/SPS-imut nassiutereerpagu Meeqqanik pinerliisimanginnermut uppernarsaat PI/SPS-ip aassavaa.

Ilinniakkap sannaa aqqissugaaneralu

Ilinniarneq ukiumik ataatsimik sivissussuseqarpoq, semesterimilu ataatsimi marlunnik moduleqarluni, piffissarlu eqqarsaatigalugu modulimi ilinniartitaaneq sioqqullugu kingornalu atuarnissamut, suliaqarnissamut sulinerlu pillugu isummersornissamut piffissaqarnissamut periarfissaqartitsisoqarluni. Moduli ataaseq nalinginnaasumik sapaatit akunnernik marlunnik sivissussuseqarpoq, ullut angalaffiusut ilanngullugit.

Modulit Kalaallit Nunaanni ilinniartitsinissamut atortussa qarfiusuni angalasunullu unnuiffissaqarfiusuni ingerlanneqartarput. Ilinniarneq aallaavittut ilinniartut akuerisaasimasut kommunerisaat tunngavigalugu ikannerussuteqartut kommunerisaanni ingerlanneqartarpoq. Qinnuteqartut piukkunnaatillit minnerpaamik 18-it akuerisaanerani holdi pilersinneqartarpoq – minnerpaamik 8-nik ilinniartoqartillugu suliaqarfimmut immikkut piginnaangorsasoqartarpoq.

Sammasat pingaarnerit aallaavigalugit modulit aqqissuunneqartarput:

- Modul 1: Siunnersuinermi ikiortaaneq aamma innuttaasoq – atuuffiit inunnullu attuumassuteqarnerit
- Modul 2: Inatsisit isumaginninnermut tunngasut inatsisillu
- Modul 3 & 4: Inersimasunut imaluunniit meeqqanut ilaqutariinnullu tunngasunut suliaqarfimmut immikkut piginnaangorsarneq

Suliaqarfiit aalajangersimasut pingaarnerit ilinniarnarup nalaani ima
immikkoortiterneqarsimapput

- Isumaginninnerup iluani sulineq
- Inatsisilerineq
- Tarnip pissusilerineq

Piffissamik atuineq

Ilinniakkap naammassinissaanut suliaqarnissamut piffissamik atuinissaq naatsorsuutigineqarpoq katillugit akunnerit 425-t missaannik sivissussuseqassasoq, pilersarusiorneri ima avinneqarput tak. ataani allassimasut:

Ilinniartitaaneq: akunnerit 200-t

Modulinut piareersarneq:


Atuakkanik atuarneq akunnerit 100-t

Allaaserinninneq akunnerit 75-it

Ilinniarnermi suliaqat allat akunnerit 50-it

Ilinniartup ilikkagassaatut anguniakkat angunissaanut suliaqarnissamut akunnerit agguarneqarnerat ilinniarfimmut piffissamik agguaqatigiissillugu atuinissaq naatsorsuutigineqartoq ilitersuussineruvoq. Taamaammallu ilinniartut akornanni piffissamik atuinerat assigiinngissuteqarsinnaapput.

Ilinniakkap ingerlanerata assiliartalerlugu takutinnera



Ilinniartup suliaasaqarfik immikkut piginnaangorsarfigisassani ilinniakkamut isernissamut qinnuteqaatiminut atatillugu toqqassavaa.

Ilinniakkami kalaallit tungaanniit sammiviliineq

Ilinniagaq kalaallit inuiaqatigiit kulturiallu toqqammavigalugit aqqissuussaavoq. Ilinniartut tamassumunga namminneq siunnersuinikkut misilittakkaminnik maluginiarsimasaminnillu ilisarititsinissaat naatsorsuutigineqarpoq tamannalu holdit ataatsimoorlutik isummersoqatigiinnissaanut atortussiaassaaq. Piviusunik katersilluni (casestudie) ilinniarnermi suliaqarneq kalaallit tungaanniit sammiviliinermik aallaaveqarpoq Kalaallillu Nunaanni siunnersuinermi pissutsinut sammiveqarluni. Ilinniartup ilinniarnerninut tapersiinera ilinniarnerep annertunerpaartaani Kalaallit Nunaanni inuuniarnikkut atukkat pillugit suliatigut sammisaqartitsissaaq.

Ilinniakkap ineriartornera, ataqatigiinnera atajuarneralu

Ilinniarnerep ingerlanera modulit sammisallu aallaavigalugit aqqissuussaavoq ilinniagaq ineriartortikkumallugu ataqigiitsikkumallugulu.

Ilinniakkap aqqissugaanerani atuagarsorneq sulinerlu ataavartumik ataqatigiipput. Tamanna sulineq pillugu ilinniartitsinermit ilanngunneqartarneranik ingerlaavartumik tunngavilersorneqarpoq, soorluttaaq naatsorsuutigineqartoq ilinniartut moduliniit teoriit suliffimmini sulinerminni atortassagaat.

Ilinniartitsinermi toqqammaviit najoqqutassallu

Siunnersuinermi ikiortitut ilinniakkami ilinniartitsineq ilinniartut sulinerminni misilittagaanniit, ilisimasaanniit ilisimasariigaanillu aallaaveqartinneqarpoq. Tamassuma periutsip ilaatigut ilisarnaatigaa sulinermi misilittakkat pillugit aamma misilittakkanut atatillugu ilinniartup iliuuseqarnissaminut piginnaasaasa ineriartorneri pillugit isummersorneq. Modulini tamani ilinniartut sulinerminni misilittagaasa ilanngunneqarnissaat suliniutigineqartarpoq, tamanna teoriinik, atuakkanik inatsisinillu paasinninnissanut toqqammavigineqarpoq.

Ilinniagaq ima aaqqissuunneqarpoq ilinniagaq sammisanit aalajangersimanagerusuniit nalinginnaanernut ingerlaartittussanngorlugu. Taamatut ingerlaarneq ima pissaaq, ilinniartup piffissami piareersartitaanermi ulluinnarni sulinermini casemik/ajornartorsiummik nassississasoq, tamanna teroriinik, periutsinik inatsisinillu ilinniartitaanermi aallaavigineqassaaq. Aammattaaq allaffissornermut tunngasut (immersugassat, assilisassiat) nassiuunneqassapput ilinniartitsisullu piareersarnerannut ilanngunneqassallutik.

Modulimut siullermut modulinnullu pingasunut akornaniittunut piareersarnissamut naatsorsuutigineqarpoq ilinniartup namminersorluni atuagarsussasoq suliaqassasoq. Tamassumunnga naatsorsuutigineqarpoq ilinniartup suliffimmini nammineq teoriiniit suleqatinilu suleqatigalugit sulinermit ilikkakkaminik avitsitseqatiginnillunilu isummersornissaa.

Suliaqarfii aalajangersimasut, modulit sammisallu iluini suliamut tunngasutigut ineriartortitsinissaq siunertaralugu ilinniartitsineq aaqqissugaavoq. Ilinniartitsinermi ajornartorsiutinik naleqqiussinerit suliaqassumilu tamakkiisumik ataatsimoortussamillu pissarsiffigissassatut periuseqarnikkut ilinniartitsissutit ingerlanneqassapput. Ilinniarnep ingerlanerani suleriaaseq namminersornermut saatsinneqariartuaassaaq, ilinniartup nammineerluni suliaqarsinnaanngortikkumallugu.

Ilinniartup suliatigut ineriartornera sungiusaatinik projektinillu suliaqarneratigut tapersorneqassaaq, tassani ajornartorsiutit tungaatigut suliaqarnermi iliuseqarnissamut piginnaasat ammasumillu aamma tunniutiinnajuissuseqartumik suleriaaseqarnissaq ukkatarineqassaaq.

Ilinniartitaanerup annertunerpaartaa kalaallisut ingerlanneqassaaq. Ilinniarnermi atortussanut tunngasutigut oqalutseqarneq nutserisoqarnerlu pisinnaapput.

Soraarummeerneq misilitsinnerillu

Modulini misilitsinnerit

Modul 1 – 3 allattariarsornermi misilitsinnikkut aammassineqassapput.

Allattariarsornermi misilitsinnerni siunertarineqarpoq ilinniarnermi pissarsiarisartakkat annertusineqarnissaasa qularnaarneqarnissaa, tassani modulit ilinniartitsinernut ilinniartullu sulinerannut ataqatigiissillugit. Modulit akornanni allattariarsornermi misilitsinnissamut siunnersortinnissaq periarfissaavoq. Aammattaaq ilinniartup modulinit ataasiakkaani sammisat pillugit ilikkarsimasaminik paasisimasaminillu aamma nammineq sulinerminut ataqatigiissillugit nalilersorneqarsinnaavoq, tak. modulit tamarmik siunertai.

Modulini misilitsinnerit ima aaqqissuunneqarput suliaqarfinni aalajangersimasuni atuagarsornerup misissueriaatsillu ineriartortinnerisa suli qaffassarneqarneratigut. Modulini misilitsinnerni siunertarineqarpoq ilinniartup ilinniarnermi pissarsiaata annertusineqarnissai ilinniarnernilut tamaat ilikkagaata atajuarnissaat, aamma modulit ingerlannerisa akornanni.

Soraarummeerneq

Ilinniagaq ilinniartup oqaluttariarsornermi misilitsinneratigut naammassineqassaaq, tamanna kalaallit karakterileriaasiat (Greenlandic Grading Scale (GGs-skala)) malillugu pissaaq. Ilinniakkami suliatigut anguniakkat angunerini A (12)-mik katakteerinnattoqassaaq. Angusinnermi karakteri appasinnerpaaq E (2)-juvoq.

Soraarummeernermi misilitsittup saqqummiinerata karakterissaa ataatsimut isigalugu ima nalilerneqartarpoq:

- Oqariartuutigisaminik ersarissumik tunniusimasumillu paasissutissiisinaanera
- Ilinniartup taaguutit atukkami nassuiarnissaanut piginnaasai
- Teorii suleriaatsillu ataqatigiitsilernissaanut piginnaasai tamatumuunalu iliuuseqarnissamut periarfissanik tunngavilersuutitalinnik saqqummiisinaanera
- Suliamik ilisimasalittut inissisimaffini pillugu isummersorsinaanera

Misilitseqqinneq napparsimanerullu kingorna soraarummeerneq

Ilinniartut napparsimaneq pissutigalugu, ullut pingasut iluini nakorsamit qaaseqaammik uppersarneqarsimasumik, imaluunniit inatsisigut naapertuuttumik pisinnaasimannginneq pissutaalluni misilitsissimanngitsut soraarummeersimanngitsullu ilinniartuup aalajangersaaneratigut napparsimanerup kingorna soraarummiissapput soraarummeernerlu ilinniakkami tullissaani nalinginnaasumik soraarummeertoqarnerani pissaaq.

PI/SPS-ip misilitseqqinnerit napparsimanerullu kingorna soraarummeernerit ilinniartuup suliasatigullu periarfissaasut eqqarsaatigalugit aaqqissuuttarpai.

Inaarutaasumik misilitsinnernut peqataatitaaqqinneq nalinginnaasumik marloriaannaq pisinnaavoq.

Misilitseqqissinnaatitaaneq aatsaat karakteritigut angusinningsutut nalilerneqarnermi pisinnaavoq; assersuutigalugu Fx-imik F-imilluunniit karakterinnassimanermi (GGs-skala malillugu).

Inaarutaasumik soraarummeernermi siunnersuinermi ikiortitut ilinniakkamik naammassinnissimasutut allagartartaartoqassaaq. Allagartaq kalaallisut danskisullu tunniunneqassaaq.

Naammagittaalliornerit

Ilinniartup misilitsinneq naammagittaalliuutigerusussappagu kingusinnerpaamik naliliiffigineqarnerup nalunaarutigineqarnerata kingorna sapaatip akunneri marluk qaangiutsinnagit naammagittaalliuut ilinniartumiit rektorimut nammineerluni tunniunneqassaaq. Naammagittaalliuut allakkatiguusaaq aamma patsiseqassaaq.

Rektorip naammagittaalliuut naliliisunut piaarnerpaamik saqqummiutissavaa, taakkualu naammagittaalliummi suliatigut pineqartumut oqaaseqarnissaminut nalinginnaasumik sapaatip akunnernik marlunnik periarfissinneqartarput. Ilinniartuup sapaatip akunnerata ataatsip iluani killigitinneqartumik naliliisut oqaaseqaataat pillugu oqaaseqarnissaminut periarfissinneqassaaq.

Tamassuma kingorna rektori allakkatigut patsisilimmik aalajangiissaaq.

Ilinniarnep nalaani siunnersortinneq

Holditut, eqimattakkaatut imaluunniit kisimiilluni siunnersortittoqarsinnaavoq. Siunnersuinerup siunertaraa ilinniartup suliaminut ilinniarneminullu akisussaaffimmik tigusineratigut pitsaasunik atugaqarnissaa taamaasillunilu inuttut sulisutullu ineriartussalluni. Siunnersortinnissamut aallarniineq ilinniartumiit eqimattanilluunniit aamma ilinniartunut siunnersortimiit ilinniartitsisuniillu pisinnaavoq.

Ilinniartunik siunnersuineq

Ilinniarnep ingerlanneqarnera tamakkerlugu ilinniartunut siunnersortimit siunnersorneqarnissaq periarfissaavoq.

Siunnersortinneq ilinniarnep pillugu apeqqutinut nalinginnaasunut, ilinniarnemi ajornartorsiutinut inuttut inooqataanikkut imminermullu tunngasut) tunngassuteqarsinnaavoq, tamassumunnga ilanngullugit ilinniarnep peqataanngippallaarneq, suleqatigiinneq, napparsimaneq tassanilu immikkut ittumik ilinniakkamik ingerlatsinissamut periarfissinneqarneq, ilinniakkami sulianut tunngasunut ajornartorsiutit (ilinniartitsisunik suleqateqarneq imaluunniit immikkut ittumik ingerlatanik aqqissuussineq) aamma immikkut perorsaanikkut ikiorsisarnepit pillugit. Ilinniartunut siunnersortip akisussaaffigaa ilinniartoq ilinniartup avataani ikiorserneqarnissanut periarfissai pillugit siunnersornissaa, assersuutigalugu Nuna Tamakkerlugu Ilitsersuisarfiup ataaniittumi Ilinniartunut Siunnersuisarfiimi ikiorserneqarsinnaanera.

Suliatigut siunnersortinneq

Ilinniartitsisut tamarmik holdimut attuumassuteqartut suliatigut siunnersuisarput aamma ilinniartup ilinniarnepani tapersersortarpaat.

Peqataanissamut pisussaataaffik

Peqqussutit nalunaarutillu naapertorlugit ilinniartup ilinniakkamik aqqissuussanut ilinniakkamut ilinniartoq peqataassaaq. Ilinniartup peqataanerminut eqquutsisnara ilinniartup nalunaarsussavaa, ilinniartup ilinniartoq ilinniarnepinut peqataanissaminut pisussaaffeqarnera nalunaarsorneqartussaanelu pillugit paasitissavaa.

Ilinniakkamik aallussineq

Ilinniartoq ilinniakkap immikkoortuini tamani ilinniakkaminik aallussissalluni pisussaataavoq. Ilinniakkamik aallussineq tassaavoq ilinniartup modulini ilinniartitaanera, ilinniakkamit ilinniartitsisumiillu piumasarnepartut suliaqarnissamik tunniussisarnissaa, kiisalu ilinniakkami misilitsinnepit peqataasarnissaa.

Taassuma saniatigut ilinniartup akisussaaffigaa ilinniartitsisut ilinniaqatinilu peqatigalugit ilinniassalluni. Peqataaneq tassaavoq najuunneq, kinguneqarluartussamik suleqatigiinnermik aallarniineq ilikkagaqarniarnikkullu tunngasutigit nutaanik eqqarsarnissamut suliaqarnissamullu piumassuseqarneq.

Amigartumik peqataaneg

Peqataanissamut pisussaataaffimmut amigartumik peqataanerup kingunerissavaa ilinniartup qimataaffigisaminik angumersinissaminik piumaffigineqarnissaa, imaluunniit ilinniartup soraarummeersinnaanissaminut periarfissaanik arsaagaanerani. Peqataanissamut pisussaaffimmik eqquutsitsineq soraarummeersinnaanissamut piumasaqaataavoq.

Ilinniartuq amerlasooriarluni allaganngorlugu mianersoqqussummik tunineqarsimappat imaluunniit piffissami sivilisinerusumi peqataanissaminut pisussaaffini eqquutsissimanngippagu ilinniartuq ilinniakkaminiit anisitaasinnaavoq.

Immikkut akuerineqarnissamut aalajangersakkat

Pisuni immikkut ittuni ilinniarfik aamma rektorip akuersineratigut ilinniakkap aqqissuussaanerata uuma malittarisassaanit kiisalu ilinniakkap malittarisassaanit allanit immikkut ittumik pineqarnissaq akuerisinnaavaat.

Aalajangersakkat immikkut akuerineqarnissamut tunngasut naapertorlugit ilinniarfiup ilinniarnermik ingerlatsinerit immikkut ittut aqqissuussinnaavai, ilinniartup peqataanissaminut pisussaataaffia atorunnaartissinnaavaat aamma/imaluunniit ilinniartitsissutit ilaanut suliaqarnermullu immikkoortunut, nakorsap nalunaaruteqarneratigut, ilinniartuq peqqissutsikkut peqquteqarluni ilinniarneq ingerlassinnaanngippagu. Ilinniagaq tamakkernagu naammassineqarsimappat tamanna soraarummeersimanermit allagartami ilaatinneqassaaq.